

Titel: Groei in Gesag
Pastoor: Fred May
Datum: 31 Augustus 2008
Time: 19h15



Mattheus 9:8

⁸ En toe die skare dit sien, was hulle verwonderd en het God verheerlik wat so 'n mag aan die mense gegee het.

1a) Ware gesag

Markus 1:22 & 27

²² En hulle was verslae oor sy leer, want Hy het hulle geleer soos een wat gesag het en nie soos die skrifgeleerdes nie.

²⁷ En almal was verbaas, sodat hulle onder mekaar vra en sê: Wat is dit? Watter nuwe leer is dit, dat Hy met gesag ook aan die onreine geeste bevel gee en hulle Hom gehoorsaam is?

- persoonlike verhouding
- persoonlike oortuiging

1b) Volmag

Lukas 12:32

³² Moenie vrees nie, klein kuddetjie, want julle Vader het 'n welbehag daarin gehad om aan julle die koninkryk te gee.

Johannes 14:12

¹² Voorwaar, voorwaar Ek sê vir julle, wie in My glo—die werke wat Ek doen, sal hy ook doen; en hy sal groter werke doen as dit, omdat Ek na my Vader gaan.

- Delegering

Lukas 10:19 (20)

¹⁹ Kyk, Ek gee aan julle die mag om op slange en skerpioene te trap, en oor al die krag van die vyand; en niks sal julle ooit skade doen nie.

Markus 16:15-18

¹⁵ En Hy het vir hulle gesê: Gaan die hele wêreld in en verkondig die evangelie aan die ganse mensdom. ¹⁶ Hy wat glo en hom laat doop, sal gered word; maar hy wat nie glo nie, sal veroordeel word. ¹⁷ En vir die wat geglo het, sal hierdie tekens volg: in my Naam sal hulle duiwels uitdryf, met nuwe tale sal hulle spreek, ¹⁸ slange sal hulle opneem; en as hulle iets dodeliks drink, sal dit hulle geen kwaad doen nie; op siekes sal hulle die hande lê, en hulle sal gesond word.

Mattheus 28:18b-19a

¹⁸ ...Aan My is gegee alle mag in die hemel en op aarde. ¹⁹ Gaan dan heen, maak dissipels van al die nasies...

2. Neem gesag

Markus 11:20-24

²⁰ En toe hulle vroeg in die môre verbygaan, sien hulle die vyeboom, verdroog van die wortels af. ²¹ En Petrus het onthou en vir Hom gesê: Rabbi, kyk, die vyeboom wat U vervloek het, is verdroog. ²² Jesus antwoord en sê vir hulle: Julle moet geloof in God hê. ²³ Want, voorwaar Ek sê vir julle dat elkeen wat vir hierdie berg sê: Hef jou op en werp jou in die see—en nie in sy hart twyfel nie, maar

glo dat wat hy sê, sal gebeur—hy sal verkry net wat hy sê. ²⁴ Daarom sê Ek vir julle: Alles wat julle in die gebed vra, glo dat julle dit sal ontvang, en julle sal dit verkry.

3. Posisionele gesag

Galasiërs 2:20

²⁰ Ek is met Christus gekruisig, en ek leef nie meer nie, maar Christus leef in my. En wat ek nou in die vlees lewe, leef ek deur die geloof in die Seun van God wat my liefgehad het en Homself vir my oorgegee het.

Efesiërs 1:16-23

¹⁶ hou ek ook nie op om vir julle te dank as ek aan julle in my gebede dink nie, ¹⁷ dat die God van onse Here Jesus Christus, die Vader van die heerlikheid, aan julle die Gees van wysheid en openbaring in kennis van Hom mag gee, ¹⁸ verligte oë van julle verstand, sodat julle kan weet wat die hoop van sy roeping en wat die rykdom van die heerlikheid van sy erfdeel onder die heiliges is; ¹⁹ en wat die uitnemende grootheid van sy krag is vir ons wat glo, na die werking van die krag van sy sterkte ²⁰ wat Hy gewerk het in Christus toe Hy Hom uit die dode opgewek het en Hom laat sit het aan sy regterhand in die hemele, ²¹ bo alle owerheid en mag en krag en heerskappy en elke naam wat genoem word, nie alleen in hierdie wêreld nie, maar ook in die toekomstige. ²² En Hy het alle dinge onder sy voete onderwerp en Hom as Hoof bo alle dinge aan die gemeente gegee, ²³ wat sy liggaam is, die volheid van Hom wat alles in almal vervul.

Efesiërs 2:4-9

⁴ Maar God, wat ryk is in barmhartigheid, het ons deur sy grote liefde waarmee Hy ons liefgehad het, ⁵ ook toe ons dood was deur die misdade, lewend gemaak saam met Christus—uit genade is julle gered— ⁶ en saam opgewek en saam laat sit in die hemele in Christus Jesus, ⁷ sodat Hy in die eeue wat kom, kan betoon die uitnemende rykdom van sy genade in goedertierenheid oor ons in Christus Jesus. ⁸ Want uit genade is julle gered, deur die geloof, en dit nie uit julleself nie: dit is die gawe van God; ⁹ nie uit die werke nie, sodat niemand mag roem nie.

Kolossense 1:9-14

⁹ Daarom hou ons ook nie op nie, van die dag af dat ons dit gehoor het, om vir julle te bid en te vra dat julle vervul mag word met die kennis van sy wil in alle wysheid en geestelike insig, ¹⁰ sodat julle waardiglik voor die Here mag wandel om Hom in alles te behaag en julle in elke goeie werk vrug mag dra en in die kennis van God mag groei, ¹¹ en met alle krag bekragtig word volgens die mag van sy heerlikheid tot alle lydsaamheid en lankmoedigheid met blydschap, ¹² en die Vader mag dank wat ons bekwaam gemaak het om deel te hê aan die erfdeel van die heiliges in die lig— ¹³ Hy wat ons verlos het uit die mag van die duisternis en oorgebring het in die koninkryk van die Seun van sy liefde, ¹⁴ in wie ons die verlossing het deur sy bloed, naamlik die vergifnis van die sondes.

4. Groei in gesag

a) Geboortereg - gawes, bedienings, aktiwiteite, manifestasies

I Korinthiërs 12:4-7

⁴ Daar is wel verskeidenheid van genadegawes, maar dit is dieselfde Gees; ⁵ en daar is verskeidenheid van bedieninge, en tog is dit dieselfde Here; ⁶ en daar is verskeidenheid van werkinge, en tog is dit dieselfde God wat alles in almal werk. ⁷ Maar aan elkeen word die openbaring van die Gees gegee met die oog op wat nuttig is.

b) Geloofsvordering

(i) Rentmeesterskap

Lukas 19:17

¹⁷ En hy sê vir hom: Mooi so, goeie dienskneg; omdat jy in die minste getrou gewees het, moet jy gesag hê oor tien stede.

(ii) Vuurdoop**Mattheus 20:20-28**

²⁰ Toe kom die moeder van die seuns van Sebedéüs met haar seuns na Hom en buig voor Hom neer om iets van Hom te vra. ²¹ En Hy sê vir haar: Wat wil jy hê? Sy antwoord Hom: Sê dat hierdie twee seuns van my in u koninkryk mag sit, een aan u regter— en een aan u linkerhand. ²² Maar Jesus antwoord en sê: Julle weet nie wat julle vra nie. Kan julle die beker drink wat Ek aanstons gaan drink, en gedoop word met die doop waarmee Ek gedoop word? Hulle sê vir Hom: Ons kan. ²³ En Hy sê vir hulle: Dis waar, my beker sal julle drink en met die doop waarmee Ek gedoop word, sal julle gedoop word; maar om te sit aan my regter— en aan my linkerhand berus nie by My om te gee nie, maar is vir hulle vir wie dit deur my Vader berei is. ²⁴ En toe die tien dit hoor, was hulle verontwaardig oor die twee broers. ²⁵ Maar Jesus het hulle na Hom geroep en gesê: Julle weet dat die owerstes van die nasies oor hulle heers en die groot manne oor hulle gesag uitoefen; ²⁶ maar só moet dit onder julle nie wees nie; maar elkeen wat onder julle groot wil word, moet julle dienaar wees. ²⁷ En elkeen wat onder julle die eerste wil word, moet julle dienskneg wees; ²⁸ net soos die Seun van die mens nie gekom het om gedien te word nie, maar om te dien en sy lewe te gee as 'n losprys vir baie.

Filippense 2:7-8

⁷ maar het Homself ontledig deur die gestalte van 'n dienskneg aan te neem en aan die mense gelyk geword; ⁸ en in gedaante gevind as 'n mens, het Hy Homself verneder deur gehoorsaam te word tot die dood toe, ja, die dood van die kruis.

(iii) Nougesetheid**Lukas 16:10-12**

¹⁰ Hy wat getrou is in die minste, is ook in die grote getrou; en hy wat onregverdig is in die minste, is ook in die grote onregverdig. ¹¹ As julle dan nie getrou was in die onregverdige Mammon nie, wie sal julle die ware goed toevertrou? ¹² En as julle nie getrou was in 'n ander se goed nie, wie sal aan julle jul eie gee?

c) Militêre dissipline**Mattheus 8:9-10**

⁹ Want ek is ook 'n man onder gesag, en ek het soldate onder my. En vir hierdie een sê ek: Gaan! en hy gaan; en vir 'n ander een: Kom! en hy kom; en vir my dienskneg: Doen dit! en hy doen dit. ¹⁰ Toe Jesus dit hoor, het Hy Hom verwonder en aan sy volgeling gesê: Voorwaar Ek sê vir julle, selfs in Israel het Ek so 'n groot geloof nie gevind nie.

Jakobus 4:7

⁷ Onderwerp julle dan aan God; weerstaan die duiwel, en hy sal van julle wegvlug.

d) Intimiteit**Psalm 32:8-9**

⁸ Ek wil jou onderrig en jou leer aangaande die weg wat jy moet gaan; Ek wil raad gee; my oog sal op jou wees. ⁹ Wees nie soos 'n perd, soos 'n muilesel wat geen verstand het nie, wat 'n mens moet tem met toom en teuel as sy tuig, anders kom hy nie naby jou nie.

- **Underskei SY wil**

Johannes 5:19-20, 30

¹⁹ Jesus het toe geantwoord en vir hulle gesê: Voorwaar, voorwaar Ek sê vir julle, die Seun kan niks uit Homself doen tensy Hy die Vader dit sien doen nie. Want alles wat Hy doen, dit doen die Seun ook net so. ²⁰ Want die Vader het die Seun lief en toon Hom alles wat Hy self doen. En groter werke as hierdie sal Hy Hom toon, sodat julle verwonderd kan wees.

³⁰ Ek kan uit Myself niks doen nie. Soos Ek hoor, oordeel Ek; en my oordeel is regverdig, omdat Ek nie my wil soek nie, maar die wil van die Vader wat My gestuur het.

Handelinge 14:8-10

⁸ En in Listre het daar 'n man gesit wat magteloos was aan sy voete, kreupel van sy geboorte af, en hy het nooit geloop nie. ⁹ Hy het geluister terwyl Paulus spreek; en Paulus het die oë op hom gehou, en, toe hy sien dat hy geloof het om gesond te word, ¹⁰ met 'n groot stem gesê: Staan regop op jou voete! En hy het opgespring en begin rondloop.